



Lingua mea calamus scribae velociter scribentis,
 Psalm. 44. V. 2.



Figura una colitur scribitur velociter scribitur
Psalms 44. 2. 2. 2.



INCIPIIT REGULA

SANCTISSIMI PATRIS NOSTRI
Aurelij Augustini Hipponensis Episcopi,
& Ecclesiæ Doctoris
eximij.

CAPUT PRIMUM.

*De Charitate Dei & proximi: De unitate cordium,
& communitate rerum.*

§. 1. **A**NTE OMNIA, FRATRES
charissimi, diligatur Deus, dein-
de proximus, quia ista præcepta
sunt principaliter nobis data.
Hæc igitur sunt, quæ ut observe-
tis præcipimus in monasterio constituti.

§. 2. Primum propter quod in unum estis con-
gregati: ut unanimes habitetis in domo: & sit vo-
bis anima una, & cor unum in Deo.

2.

§. 3. Et non dicatis aliquid proprium: sed sint vobis omnia communia. Et distribuatur unicuique vestrum à Præposito vestro victus & tegumentum, non æqualiter omnibus, quia non æqualiter valetis omnes: sed potiùs unicuique sicut cuique opus fuerit. Sic enim legitis in Actibus Apostolorum. Quia erant illis omnia communia, & distribuebatur unicuique, sicut cuique opus erat.

§. 4. Qui aliquid habebant in sæculo quando ingressi sunt monasterium, libenter velint illud esse commune. Qui autem non habebant, non ea quarant in monasterio, quæ nec foris habere potuerunt. Sed tamen eorum infirmitati, quod opus est tribuatur: etiamsi paupertas eorum, quando foris erant, nec ipsa necessaria poterat invenire: tamen non ideò se putent esse felices, quia invenerunt victum, & tegumentum, quale foris habere non potuerunt.

CAPUT II.

De Humilitate.

§. 1. **N**EC erigant cervicem, quia sociantur eis, ad quos foris accedere non audebant, sed sursum cor habeant, & terrena vana non quarant: ne incipiant monasteria divitibus esse utilia, non pauperibus, si divites illic humiliantur, & pauperes illic inflantur.

§. 2. Rursus etiam illi, qui aliquid videbantur esse

esse in sæculo, non habeant fastidio fratres suos, qui ad illam sanctam societatem ex paupertate venerunt. Magis autem studeant, non de parentum divitum dignitate, sed de pauperum fratrum societate gloriari. Nec extollantur, si communi vitæ aliquid de suis facultatibus contulerint: nec de suis divitijs magis superbiant, quia eas ipsi monasterio partiuntur, quam si eis in sæculo fruerentur. Alia quippe quæcumque iniquitas in malis operibus exercetur, ut fiant, superbia veró etiam bonis operibus insidiatur, ut pereant. Et quid prodest dispergendo dare pauperibus, & pauperem fieri, cum anima misera superbior efficitur divitias contemnendo, quam fuerat possidendo?

§. 3. Omnes ergo unanimiter & concorditer vivite, & honorate in vobis invicem Deum, cujus templa facti estis.

CAPUT III.

De Oratione, & jejunio.

§. 2. **O**Rationibus instate horis & temporibus constitutis. In Oratorio nemo aliquid agat, nisi ad quod factum est, unde & nomen accipit; ut si forté aliqui etiam præter horas constitutas, si eis vacat, orare voluerint, non eis sint impedimento, qui ibi aliquid agendam putaverint.

§. 2. Psalmis, & Hymnis cum oratis Deum,
hoc

hoc versetur in corde, quod profertur in ore. Et nolite cantare, nisi quod legitis esse cantandum. Quod autem non ita scriptum est, ut cantetur, non cantetur.

§. 3. Carnem vestram domate jejunijs; & abstinentia escæ & potus, quantum valetudo permittit. Quando autem aliquis non potest jejunare, non tamen extra horam prandij aliquid alimentorum sumat, nisi cum ægrotat.

CAPUT IV.

De refectioe utriusque hominis.

§. 1. **C**UM acceditis ad mensam, donec inde surgatis, quod vobis secundum consuetudinem legitur sine tumultu & contentionibus audite: ne solæ vobis fauces sumant cibum, sed & aures esuriant Dei verbum.

§. 2. Qui infirmi sunt ex pristina consuetudine, si aliter tractantur in victu, non debet alijs molestum esse, nec eis injustum videri, quos fecit aliqua consuetudo fortiores. Nec illos feliciores putent, quia sumunt quod non sumunt ipsi: sed sibi potius gratulentur, quia valent quod non valent illi.

§. 3. Et si eis, qui venerunt ex moribus delicatioribus ad monasterium, aliquid alimentorum, vestimentorum, operimentorumve datur, quod alijs

3.
7
fortioribus, & ideo felicioribus non datur, cogitare debent, quibus non datur, quantum de sua seculari vita illi ad istam descenderint, quamvis usque ad aliorum, qui sunt corpore firmiores, frugalitatem pervenire non potuerint.

§. 4. Nec debent velle omnes, quod paucos vident amplius, non quia honorantur, sed quia tolerantur, accipere: ne contingat detestanda perversitas, ut in monasterio, ubi quantum possunt fiunt divites laboriosi, fiant pauperes delicati.

CAPUT V.

De infirmis curandis.

§. 2. **S**ané quemamodum ægrotantes necesse habent minus accipere, ne graventur: ita & post ægritudinem sic tractandi sunt, ut citius recreentur: etiamsi de humillima sæculi paupertate venerint: tamquam hoc illis contulerit recentior ægritudo, quod divitibus anterior consuetudo. Sed cum vires pristinas reparaverint, redeant ad feliciorē consuetudinem suam, quæ Famulos Dei tantò amplius decet, quantò minus indigent. Nec cibi eos teneat voluptas jam vegetatos, quos necessitas levarat infirmos: illos sanè existiment ditiores, qui in sustinenda parcitate fuerint fortiores: melius est enim nimis egere, quam plus habere.

§. 1. **N**on sit notabilis habitus vester: nec affectetis vestibus placere, sed motibus.

§. 2. Quando proceditis, simul ambulate: cum veneritis, quó itis, simul state. In incessu, statu, habitu, & in omnibus motibus vestris, nihil fiat, quod cujusquam offendat aspectum, sed quod vestram deceat sanctitatem.

§. 3. Oculi vestri, etsi jaciantur in aliquam feminarum, figantur in nullam: neque enim quando proceditis, feminas videre prohibemini: sed appetere, vel ab ipsis appeti velle, crimino sum est. Nec solo tacito affectu, sed affectu quoque & aspectu appetitur, & appetit concupiscentia feminarum. Nec dicatis vos habere animos pudicos, si habetis oculos impudicos; quia impudicus oculus, impudici cordis est nuncius. Et cum se invicem sibimet, etiam tacente lingua, conspectu mutuo corda nunciant impudica, & secundum concupiscentiam carnis alterutro delectantur ardore, etiam intactis ab immunda violatione corporibus, fugit castitas ipsa de moribus. Nec putare debet, qui in feminam figit oculum, & illius in se ipsum diligit fixum, ab alijs se non videri, cum hoc fecerit: videtur omnino, & á quibus se videri non arbitratur.

§. 4. Sed etsi lateat, & á nemine hominum videatur, quid faciet de illo desuper Inspector, quen latere nihil potest? An ideó putandus est non videre: quia tantó videt sapientiús, quantó patientius? Illi ergo, vir sanctus timeat displicere, ne velit feminæ malé placere. Illum cogitet omnia videre, ne velit feminam malé videre, Illius namque in hac causa commendatus est timor, ubi scriptum est: *Abominatio est Domino desigens oculum.*

§. 5. Quando ergo simul estis in Ecclesia, & ubicunque feminæ sunt, invicem vestram pudicitiam custodite. Deus enim qui habitat in vobis, etiam isto modo custodiet vos ex vobis.

CAPUT VII.

De Correctione fraterna.

§. 1. **E**T si hanc, de qua loquor vobis oculi petulantiam, in aliquo vestrum advertetis, statim admonete, ne malé cœpta progrediantur, sed de proximo corrigantur. Si autem post admonitionem iterum, vel alio quocunque die idipsum eum facere videritis, jam velut vulneratum sanandum prodat quicunque hoc potuerit invenire. Priús tamen est alteri, vel tertio demonstrandum, ut duorum, vel trium possit ore convinci, & competenti severitate coerceri.

§. 2. Nec vos judicetis esse malevolos, quando hoc

hoc indicatis: magis quippe innocentes non estis, si fratres vestros quos indicando corrigere potestis, tacendo perire permittitis. Si enim frater tuus vulnus haberet in corpore, quod velit occultari, dum timet sacari, nonne crudeliter à te sileretur, & misericorditer indicaretur? quanto ergo potius eum debes manifestare, ne deterius putrescat in corde?

§. 3. Sed antequam alijs demonstratur per quos convincendus est, si negaverit, prius Præposito debet ostendi, si admonitus neglexerit corrigi: ne forté possit secretius correctus non innotescere cæteris. Si autem negaverit, tunc neganti adhibendi sunt alij, ut jam coram omnibus possit non ab uno teste argui, sed à duobus vel tribus convinci.

§. 4. Convictus verò secundum Præpositi, vel etiam Presbyteri, ad cuius dispensationem pertinet, arbitrium, debet emendatoriam subire vindictam: quam si ferre recusaverit, etiam si ipse non abscefferit, de vestra societate projiciatur: Non enim hoc fit crudeliter, sed misericorditer, ne contagione pestifera plurimos perdat.

§. 5. Et hoc, quod dixi de oculo non figendo, etiam in cæteris inveniendis, prohibendis, indicandis, convincendis, judicandisque peccatis diligenter & fideliter observetur cum dilectione hominum, & odio vitiorum.

§. 6. Quicumque autem in tantum progressus fuerit malum, ut occulté ab aliquo literas vel
quod-

quodlibet munus acceperit, si hoc ultró confiteatur, parcatúr illi, & oretur pro eo: si autem deprehenditur atque convincitur, secundúm arbitrium Presbyteri, vel Præpositi graviús emendetur.

CAPUT VIII.

De Custodia rerum Communium.

§. 1. **V**Estes vestras in unum habeatis sub uno Custode, vel duobus, vel quot sufficere possint ad eas excutiendas, ne á tinea lædantur. Et sicut pascimini ex uno cellario, sic induamini ex uno vestiario. Si fieri potest ad vos non pertineat, quòd vobis indumentum pro temporum congruentia proferatur, utrúm hoc recipiat unusquisque quod deposuerat, an aliud quod alter habuerat, dum tamen unicuique, prout cuique opus est non negetur.

§. 2. Si autē hinc inter vos contentiones, & murmura oriuntur, & conqueritur aliquis deterius se accepisse, quám priús habuerat: & indignum se esse, quòd non ita vestiatur, ut alius frater vestitur; hinc vos probate quantum vobis desit in illo interiori sancto habitu cordis, qui pro habitu corporis litigatis. Tamen si vestra toleratur infirmitas, ut hoc recipiatis quod posueratis, in unum tamen locum sub communibus Custodibus habetè quod ponitis. Ita sane, ut nullus sibi aliquid operetur: sed omnia opera vestra in unum fiant majori

ri studio, & frequentiori alacritate, quàm si vobis singuli propria faceretis.

§. 3. Charitas enim, de qua scriptum est, quòd *non querit, quæ sua sunt*, sic intelligitur, quia communia proprijs, non propria communibus anteposit: & ideò quantò ampliùs rem communem, quàm propriam curaveritis, tantò vos ampliùs proficere noveritis, ut in omnibus quibus utitur transitoria necessitas superemineat, quæ permanet charitas.

§. 4. Consequens ergo est, ut etiam cùm quis suis filijs, aut aliqua necessitudine ad se pertinentibus in monasterio constitutis, aliquam contulerit vestem, sive quodlibet aliud inter necessaria deputandum; non occultè accipiatur, sed sit in potestate Præpositi, ut in rem communem redactum, cui necessarium fuerit præbeatur.

§. 5. Quòd si aliquis rem sibi collatam calaverit, furti iudicio condemnetur.

CAPUT IX.

De munditia vestium & Corporum.

§. 1. **I**ndumenta vestra secundùm arbitrium Præpositi laventur: sive à vobis, sive à fullonibus: ne interiores animæ sordes contrahat mundæ vestis nimius appetitus.

§. 2. Lavacrum etiam corporis, cùm infirmitatis

tatis cogit necessitas, minimè denegetur; fiat tamen sine murmure de consilio medici, itaut etiam si nolit, jubente Præposito, faciat quod faciendum est pro salute. Si autem velit, & fortè non expedit, suæ cupiditati non obediatur; Aliquando enim etiam si noceat, prodesse creditur quod delectat. Denique si latens est dolor in corpore famulo Dei dicenti quòd sibi doleat, sine dubitatione credatur: Sed tamen utrùm sanando illi dolori quod delectat expediat, si non est certum, medicus consulatur.

§. 3. Nec eant ad balnea, sive quocumque ire necesse fuerit, minùs quàm duo, vel tres. Et ille qui habet aliquo eundi necessitatem, cum quibus Præpositus jusserit, ire debet.

§. 4. Ægrotantium cura sive post ægritudinem reficiendorum, sive aliqua imbecillitate etiam sine febribus laborantium, uni alicui debet injungi: ut ipse de cellario petat, quod cuique opus esse profpexerit.

§. 5. Sive autem, qui cellario, sive qui vestibus, sive qui codicibus præponuntur sine murmure serviant fratribus suis.

§. 6. Codices certa hora singulis diebus petantur: extra horam qui petierit, non accipiat.

§. 7. Vestimenta verò, & calceamenta quando indigentibus fuerint necessaria dare non differant, sub quorum custodia sunt, quæ poseuntur.

§. 8. Lites aut nullas habeatis, aut quàm celerimé finitatis; ne ira crescat in odium, & trabem faciat de festuca, & animam faciat homicidam, sic enim legitis: *Qui odit fratrem suum homicida est.*

CAPUT X.

De venia postulanda, & offensa remittenda.

§. 1. **Q**Uicumque convitio, vel maledicto, vel etiam criminis objectu aliquem læserit, meminerit satisfactione quantociùs curare quod fecit: & ille qui læsus est sine disceptatione dimittere. Si autem invicem se læserint, invicem sibi debita relaxare debebunt propter orationes vestras, quas utique quæntó crebriores habetis, tantó sanctiores habere debetis.

§. 2. Melior est autem, qui quamvis ira sæpè tentetur, tamen impetrare festinat, ut sibi dimittat cui se fecisse agnoscit injuriam, quàm qui tardiùs irascitur, & ad veniam petendam tardiùs inclinatur. Qui autem nunquam vult petere veniam, aut non ex animo petit, sine causa est in monasterio; etiam si inde non projiciatur. Proinde vobis à verbis durioribus parcite: quæ si emissa fuerint ex ore vestro, non pigeat ex ipso ore proferre medicamenta unde facta sunt vulnera.

§. 3. Quando autem necessitas disciplinæ in moribus coercendis vos dicere dura verba compellit,

lit, si etiam ipsi modum vos excessisse sentitis, non à vobis exigitur, ut à vestris subditis veniam postuletis, ne apud eos quos oportet esse subiectos, dum nimium servatur humilitas, regendi frangatur auctoritas: sed tamen petenda est vinia ab omnium Domino, qui novit eos, quos plus justo sorté corripitis, quanta benevolentia diligatis. Non autem carnalis, sed spiritualis inter vos debet esse dilectio.

CAPUT XI.

De Obedientia.

§. 1. **P**Ræposito tamquam Patri obediatur, multo magis Presbytero, qui omnium vestrum curam gerit.

§. 2. Ut ergo cuncta ista serventur, & si quid servatum minus fuerit, non negligenter prætereatur, sed ut emendandum, corrigendumque curetur, ad Præpositum, præcipue pertinebit ut ad Præsbyterum, cujus est apud vos major auctoritas, referat quod modum, vel vires elus excedit.

§. 3. Ipse verò qui vobis præest, non se existimet potestate dominante; sed charitate serviente felicem.

§. 4. Honore coram vobis Prælatus sit vobis, timore coram Deo substratus sit pedibus vestris. Circa omnes seipsum bonorum operum præbeat exemplum. Corripiat inquietos, consoletur pusilla-

fillanimes, suscipiat infirmos, patiens sit ad omnes. Disciplinam libens habeat: metuendus imponat: & quamvis utrumque sit necessarium, plus tamen á vobis amari appetat, quàm timeri, semper cogitans Deo se pro vobis redditurum esse rationem. Unde vos magis obediendo non solum vestri, sed etiam ipsius miseremini, qui inter vos, quantó in loco superiori, tantó in periculo majori versatur.

§. 5. Donet Dominus, ut observetis hæc omnia tamquàm spiritualis pulchritudinis amatores: & bono Christi odore de bona conversatione fragrantés; non sicut servi sub lege, sed sicut liberi sub gratia constituti.

CAPUT XII.

De jugi meditatione Regule.

§. I. **U**T autem vos in hoc libello, tamquàm in speculo possitis inspicere: ne per oblivionem aliquid negligatis, semel in septimana vobis legatur. Et ubi vos inveneritis ea, quæ scripta sunt facientes, agite gratias Domino bonorum omnium largitori: ubi autem sibi quicumque vestrum viderit aliquid deesse: doleat de præterito, caveat de futuro: orans, ut sibi debitum dimittatur, & in tentationem non inducatur. Amen.

12

Explicit Regula Sanctissimi Patris nostri Au-
relij Augustini Hipponensis Episcopi , & Ecclesie
Doctoris eximij, qui pro nobis exoret ad Do-
minum Deum nostrum semper,
Amen.

LAUS DEO.



1771
The Royal Academy of Sciences, Paris
has the honor to inform you that
the prize of 1000 livres is offered
for the best memoir on the
subject of the motion of the
pendulum.

LAVIS DEO.

